

Ji Pişt Derî Were Der



Cola Hacî

Şeveka dereng e
Hemû tişt dinamone
Gulopa li hindav min defterka
şîrên min...
Hemû dynamo ne!
Destên min girê rogeha xwe di
asoyê xurbeta te de
vemirandiye
Çiye?
Xeric e bêhna te xwe
Ji gulav û
Lewendî û mercanên min
bivedizit
Tîşêrtê te yê portaqalî
Gizîlankên min vedikit
Hêştta otîyê wî têk neçûye
Tibil
Û desmala min
Pelatînkeka ne hecim tine
Ne Xanî û ne jî Cizîrî
Bo stirîne
Bo xwîra çi xêvzanka hêştta
dest bo neweşandiye
Çend sar e
Ware qama te lê neçemiyayî!!

Mêyatiya min bo te digirit
Hewceyiya min bi gerdena t
eve ya çeqa digirit
Min digel seferên xwe yên
kurt xayen bigerîne
Dilê min, bi lojîka eşqa xwe
bisoje
Di karîzma şevên xwe yên
tenik de digel vînosê binvîne
Buharê di me bialîne
Tu bêjî baranê tama peyasên
me fir nekiribit?!
Ji pişt derî were der
Tiblên min bila çînganê li bin
guhên te bikin
Maçên me li ser beyiskên heza
dila biwerînin
Bexçevanên lêvên min bila
Tiriyê rezên lêvên te biçinin
Çavên min
Şajina rûbarên te yên namo
Di xew bibin
Şevê dî bû min û te û sînahiya
mûmeka
Werîsê mirinê li hefikê

Bo agirekê serxweş dikirin
pabos!
Noş bo hatina te
Noş bo mana min
Pêlên xurbeteka asê
Bila te ne hingêvin
Min jî digel xwe bibe
Ez ya li ber derî û stûvanka
te awa hêşta demê ez û tu
Bo hembêza Enahitayê
disotîn
Mora li min dikit
Min ji xwe re bibe Laliş
Di ava qudretê de
Birayêxe
Şehdeya min bistîne
Li rex darka Mirada
Mohra dezgiriya me çêke
Biskên min veke û
Bi viyana xwe ter bike
Rûyê min bide bayî
Her şev were pişt kavilkê me
û sîbera xwe bike elind
Bo hevsoyên me bêje
Yara te me!
Navê min
Li ser dîwarên hewşa xwe û
digel şitla biçîne
Digel nêzîkbûna rîtma te
Dê xunavê ji xwe vemalim
Ji pişt derî were der
Min ji xwe re bibe navdanga
kêliya şedayê
Patê heyê kesk ji min veke
Min zindî bike
Tara hinarka hel bide

Û min bê mirad neke!
Min ji xwe re bibe
Hewreman
Bi siya çamana ve min sikêç
bike,
Miska pirça min ya dirêj di
dest xwe bigire!
Nextekî li ba min pal bide
Singê giyayî bi sema
xelweta me bigevizîne
Ta elemka ji min bibe
Kesek maye te negotiyê tu
hez ji min dikî?!
Roj çend di kurt in
Nagehim davên xwezîka
bigirim.
Xenda divejêrim
Hewceyî te me...
Ji pişt derî were der
Û
Nehêle xewnên min
bigenin
Bo têhneka pîvaziya çavên
te
Ezman sorik
Min li pişt çavên xwe siyar
dikin
Nahêlin çîtir xewna bibînim
Stêra bihejmêrim
Wênên te yên di boxçika
min de wexmê girtîn maç
bikim
Bêjim
Ya te me!.